

光緒山西通志

金石記四

記五之四

山西通志第九

賜進士出身頭項感天郡博耶兼都察院右副都御史巡撫山西提督軍務臣張煦等

旨監修

碑碣

唐先天王承貞

唐

司馬程芝墓誌銘

先天元年 正楷舊在長治縣

長治縣志按舊志藝文標題為程司馬陵墓則書為司

直府志並同文不詳所歷官無從別其孰是獨據輔小

山之桂佐長坂之蘭二語知其嘗為王府屬官唐東宮

官屬有司直一人正七品王府官屬有司馬一人正四

品豈芝先官司直後遷司馬前志於文前標目摘書一

官遂致兩歧耶惜不得拓本正之文云遠祖上黨太守
封潞城縣侯子孫因家焉而不舉其名且隋以前無潞
城之名安得膺此爵號又高祖禮齊銀青光祿大夫并
州刺史曾祖楷隋棗縣令祖師仁十八秀才舉入東京
後任同州錄事參軍皆備述官職事狀不應獨遺其父
恐舊志傳寫有脫誤也銘詞三琴悲瑟琴冢也見方言
據志云葬城南三十里石不知尚在否侯訪之

劉君幡竿銘

開元三年正月 正書今在虞鄉縣南三里石佛寺

金石萃編按碑題虞鄉縣令劉君而文中不著其名文云
敬樹幡竿於柏梯山寺之西南岑也山西通志虞鄉縣山
川條載柏梯山在柏梯村即檀山半也案當云密巖懸絕

連木乃陟百梯方降鑿石闢蹊憑崖標閣下引劉行忠幡竿銘數語與此碑文合是縣令爲劉行忠矣又通志寺觀條下虞鄉縣石佛寺在縣西南三里卽古百梯寺司空圖有上百梯寺懷舊僧詩下引劉行忠幡竿銘數語亦同此碑則此寺爲幡竿之所在矣柏梯百梯想通稱也

謹案碑無撰書人名而標目蒲州虞鄉縣令劉君幡竿銘下有朝議郎行虞鄉縣令劉行忠碑十一字萃編謂不著其名蓋所得搨本偶遺之也聞碑陰尙有文字當是縣人題名俟考

王德墓誌

開元三年十月 行書今在屯留縣

屯留續志墓在城西南十五里長溝嶺嘉慶間村人耕

地得之

謹案文敘家世云并州太原人因官述職遂爲上黨
郡下闕人字原夫駕仙宗朝覺靈裔乃用王子晉事
脫寫鶴字曾祖茂隋通議大夫行并州晉陽縣令祖
觀唐正議大夫行沁州司馬檢唐書世系表皆無其
人其云父先朝文林郎吏部常選唐朝任潞州市丞
唐制州設市丞一人下州省潞州爲上州都督府則
有令有丞矣其父蓋在武后時以流外官注選中宗
復辟後乃授官也王君葬縣西南十五里文云東瞻
驛路西望禪河驛路卽常處士墓誌所謂屯留驛者
今在魏村禪河今無其名不知爲何水矣

開元三年十月 行書今在介休縣

金石萃編按文敘胡氏先世曰棧椽是佐錯胡綜之章文
清白知名見胡威之父子三國志吳書胡綜傳綜字汝則
汝南固始人也仕吳主權時凡自權統事諸文詰策命鄰
國符略皆綜之所造也傳後評曰是儀徐詳胡綜皆孫權
之時幹興事業者也儀清恪貞素詳數通使命綜文采才
用各見信任辟之廣廈其棧椽之佐乎晉書胡威傳威字
伯武壽春人質子父子俱以清慎聞其云祖買父端則無
傳可考

介休縣志東狐村乾隆中郭姓掘地得誌今村距城二
十里與誌文合當年胡姓聚族於此不知何時誤作狐
胡君似亦碌碌無奇跡滄桑幾變族姓蕩然而胡君獨

山西通志卷之十一 金石記四
藉片石存姓名於千載之後使鴻儒碩士慨歎流連亦孰謂埋幽之文無足輕重也哉孫伯淵寰宇訪碑錄載其自古誌石華則全載其文今石藏狐村郭姓家

汾陰后土祠頌

開元四年八月 胡愔撰八分書舊在榮河縣見金石錄
移置唐興寺碑

開元六年九月 許景先撰僧師元八分書今在聞喜縣
上東鎮

金甌琳瑯唐興寺碑殿中侍御史許景先撰寺在山西聞喜縣縣令于光庭爲移置之景先之文由是而作光庭之在聞喜不聞其有善政而乃汲汲爲僧移寺非賢令也
金石萃編唐興寺在聞喜縣據碑文寺爲唐初所建在西

山人迹罕到至開元初于光庭爲縣令乃移建於大道旁而立此碑以紀縣令之功德也山西通志聞喜縣寺觀條下不載唐興寺今以碑文有唐興寺者我國家草昧之所置也一語參之通志惟載有鐵牛峪寺云在鐵牛峪西神僧餉兵處相傳太宗行軍至美陽鄉乏糧寺僧智夏以沙鍋煮飯餉軍胥獲飽及卽位勅建廣教寺以報之又云廣教寺在縣南二十里寺頭村土人名沙渠寺相傳唐太宗勅建併鐵牛寺入焉又於山川條下載鐵牛峪云在縣南三十里相傳有鐵牛流峪中水峪有興國寺頗疑興國卽唐興寺所改而其初額卽鐵牛峪寺與廣教寺也年代寢遠名迹俱湮不能確指其所在矣案唐興寺宋時改爲保院但云唐開元六年建而不詳其爲唐興之改縣令于光名遂啟王氏之疑誤合廣教興國諸寺爲一

庭爲東海郡公士俊之孫東海憲公第五子兩唐書俱無傳以唐書宰相世系表攷之俱不載其名大抵與于志寧等不同系也然世系表中如知微克勤卻封東海郡公殆是爵偶同耳山西通志名宦卷光庭亦無傳

聞喜志補寺在宋時改爲保甯院今復故名唐隸自明皇力趨妍媚漢法蕩然一時風從惟肥美是務此碑書於開元而不落習氣遣法清勁如折刀頭猶是中郎之虎賁也張說嘗與徐堅評許景先文云有如豐肌膩體雖穠華可愛而乏風骨見大唐新語

朔衛任愛墓誌銘

開元六年 正書今在汾陽縣小相里

汾陽續志誌稱君諱愛字友仁汾州隰城人父恭驃騎

大將軍臨濟縣開國男英聲一代封襲千年階藉貂冠
位參龍翊光宅六年十一月二十七日卒於家夫人陳
氏謝氏子懷脊懷嗣並前翊衛兵部常選開元六年十
一月十二日合葬於汾州三十里北原新唐書百官志
親衛勳衛翊衛稱三府衛翊衛府翊衛正八品上四品
孫五品及上柱國子補任君父恭官驃騎大將軍在武
散階爲從一品開國男爲從五品任君蓋承父蔭得官
者恭墓在郡城南十里文侯村有上元三年碑書勳級
曰上柱國誌末載階曰金紫光祿大夫爲文散階亦與
誌異唐董府君經幢載府君官右神策軍襄樂防秋同
正將兼押衙銀青光祿大夫檢校太子詹事上柱國青
浦王氏謂武兼文職唐有此例爲六典諸書所未詳恭

之結銜文武互用殆此類潛研堂金石文字跋尾云宰相世系表有吏部常選兵部常選不知何官意其爲選人之稱按唐書百官志吏部司勳凡酬功之等見任前資常選曰上資山是以例懷脊懷嗣之兵部常選亦上資也誌首叙得姓所由有羲軒構極語按黃帝少子禹陽受封於任因以爲姓周之繼絕復居風姓使奉太皞之祀羲軒並舉職是故歐宰相世系表漢有御史大夫廣阿侯任敖誌所謂侯封西漢指此謁泉山一名商山在縣北四十里文湖一名西河泊在縣東十里誌有云北望商巒東觀汾泊封域所在燎如指掌唐人文字結構之密亦可見焉道光己亥六月下堡村北雨後谿水漫流得茲刻於野田中任右章明經言豫侯諸祠壁

嶽嶺軍副使王脩福墓誌銘

開元九年 正書今在洪洞縣

臨汾續志道光年間城內姜家池夜有異光土人掘之
得此石未詳撰書人姓氏今存洪洞董宅

謹案文敘王君家世事蹟云君諱脩福字脩福其先
太原人因官今爲晉人字同其名史傳多有亭林顧
氏嘗歷舉之不足爲異太原著其望曰晉人者唐晉
州治臨汾縣也會祖暹隨潞州司馬祖忻唐鄭州別
駕父朗明經擢第世稱隋文帝惡隨从是故省作隋
然隋時碑碣仍隨隋並見唐人尤所不拘此碑正書
爲隨也君成立之年學騎射入宿衛滿授慶州永業
府右果毅應舉及第轉岐州洛邑府左果毅先天元

年御史大夫李傑奏稱清謹過人授本府折衝勅與
緋及魚袋定州嶽嶺軍副使云云唐制兵部尙書選
驍勇材藝可爲統領者拔其尤令宿衛每日隨仗下
隸左右監門衛又武后長安二年始置武舉有長
坡馬射馬槍翹關負重之選能者皆爲中第並見通典
新唐書兵志太宗貞觀十年更號統軍爲折衝都尉
別將爲果毅都尉凡天下十道置府六百三十四皆
以隸諸衛凡府三等兵千二百人爲上千人爲中八
百人爲下府置折衝都尉一人左右果毅都尉各一
人君蓋以武勇選爲衛士考滿授官出爲中下府果
毅都尉中武舉遷任上府又以薦進秩折衝都尉及
軍使也舊書輿服志上元元年定四品服深緋五品

服淺緋咸亨三年定五品以上賜新魚袋並飾以銀
折衝都尉階四品左右果毅都尉上府從五品中下
府六品然則君當賜深緋銀魚矣地理志鳳翔府上
輔本岐州有府十三其四爲洛邑慶州中都督府有
府八其六爲永業皆與誌合惟定州博陵郡下有義
成北平二軍而無嶽嶺百官志諸軍各置使一人五
千人以上有副使刺史領使則置副使亦不詳副使
何階元和志定州恆陽縣北平軍在州西三里開元
四年置唐六典軍置使一人其橫海高陽唐興恆陽
北平五軍皆本州刺史爲使恆陽卽曲陽也恒山在
其西北平軍旣係之恆陽縣不應又別有恆陽軍疑
其卽嶽嶺舊軍以在恆陽故當時稱爲恆陽軍耳知

君爲副使時軍使爲定州刺史兼領而副使實典戎
專職刺史階三品副使當與折衝同爲四品然則文
稱君鎮守北嶽坐免南侵實賴副軍廓清邊朔不爲
夸辭矣李傑唐書有傳先天中由陝州刺史入代宋
璟爲御史大夫而璟傳爲御史在開元時考明皇受
禪之次年改先天爲開元亦未爲不合也君以開元
四年五月終春秋五十有五則當生龍朔二年其服
官多在武周時誌銘皆清麗可誦而書法尤適美有
北海丰神近年出土諸誌皆不及也

上黨宮述聖頌

有陰

開元十一年正月 張說撰裴淮正書碑陰蕭誠行書舊
在潞安府

志略碑見金石錄按潞志啟聖宮在子城內一名飛龍宮
唐元宗爲潞州別駕故第開元十一年將幸太原次潞州
於故第置明皇有過故宮詩

上黨宮宴羣臣故老詩碣

開元十一年 行書見金石錄舊在潞安府

聖應圖贊石刻

開元十一年 舊在潞安府

志略明皇別駕潞州州中獻瑞者前後十有九及踐位後
潞人獻瑞應圖遂建閣賜名聖瑞閣閣成白鶴來翔張九
齡撰聖瑞圖贊刻石今閣在飛龍宮西

起義堂碑

開元十一年 舊在太原縣

元和志起義堂碑在乾陽門街開元十一年元宗幸太原
所立御製并書

慶唐觀紀聖銘 有陰

開元十四年 御製并書今在浮山縣

太平寰宇記晉州神山縣老君祠在縣東南二十里唐武

德三年見神於羊角山下語曲沃人吉善行曰報大唐天

子得聖理一千年其年勅通事舍人柳憲立祠因改縣為

神山開元十四年於舊廟置慶唐觀

金石錄龍角山慶唐觀紀聖頌明皇撰案高祖實錄武德

三年四月辛巳晉州人吉善行於羊角山見白衣老父乘

白馬朱鬣謂善行曰為吾語唐天子吾為老君汝祖也今

年平賊後汝當為帝天下太平必得百年享國子孫且千

歲太宗遣使者杜昂致祭須臾神復見謂昂曰歸語天子
我不食何煩祭爲高祖異之立廟於其地授善行朝散大
夫據碑稱是時太宗爲秦王討宋金剛所謂賊平汝當爲
帝者指太宗也其事可謂怪矣然碑與寶錄載語頗不同
文多不能備錄惟碑稱善行以武德二年二月初奉神教
至四月老子又見曰石龜出吾言實旣而太宗遣昂善行
乘驛表上比至長安適會郟州獻瑞石如龜文曰天下安
千萬日而寶錄亦云郟州獻瑞石有文曰天下千萬其語
小異又碑稱行絳州而寶錄云晉州爾老子其生以清靜
無爲爲宗豈身沒數千歲而區區爲人稱述符命哉蓋太
宗初起託以自神此陳勝所謂卜之鬼者也史臣旣載之
於寶錄明皇又文之於碑遂以後來爲真可欺罔豈不可

笑也哉

志略煒按碑陰題名自太子鴻以下凡八十七人模勒碑使呂向奉勅題書法清挺勝所書述聖銘遠甚又上方李寰等三人銜名長慶中題

李安定墓誌

開元十四年 正書今在屯留縣

謹案此誌標目爲唐封六品子李公墓誌之銘并序攷唐封爵凡九等八曰開國縣子正五品九曰開國縣男從五品文不著官階而題曰六品子敘先世云隴西狄道人十二世祖封上黨純留侯遂家焉亦不著何名皆所未詳也

將仕郎李亮墓志銘

開元十四年 今在高平縣

高平縣志唐二賢墓在縣北長受村文林郎李恪及姪
將仕郎李亮墓爲居民杜氏宅宏治中斲地得壙穴銘
石知縣楊子器奪杜氏地復作墳嘉靖中知縣張鹵復
新之勒石爲記

謹案據縣志則文林君亦當有墓銘而藝文唯收此
誌其原石尙不知存否也亮於李氏爲隴西望祖興
朝散大夫趙州平棘令父備上柱國唐勳級十二轉
爲上柱國視正二品則一時達官也而名不見於世
系表文云葬高平縣東北十三里之甸蓋用郊外義
也

梁思楚紳

開元十五年 衛秀書見墨池編舊在平遙縣

志略煒按集古錄作上元元年跋云秀筆工之善摹者也

其自謂集書信矣無足多取也書譬君子皆學乎聖人而

其施為未必同也案碑集右軍書
詳補遺法帖

禮部尚書贈太尉裴行儉碑

開元十八年 今在開喜縣

集古錄目唐裴行儉碑石丞相張說撰裴瓘書行儉字守

約河東開喜人官至禮部尚書金山道大總管諡曰憲追

贈太尉碑以開元十八年立

聞喜志補碑在邑東五十里永青村行儉墓前即鳳凰

原也高近丈石剝蝕幾成無字碑矣咸豐年衛孝廉仁

豐楊孝廉來青携筇步訪得碑額唐故禮部尚書裴公

墓九篆字正面見于字知是隸書曠日影而側睨之勢
歸末行有開元十有一年等字也文是張燕公撰今見
文苑英華

魏文侯廟碑

開元二十年 楊仲昌撰田琦八分書舊在汾州府
志略宋謝景初撰碑曰考汾州圖牒曰魏文侯之墓在孝
義縣西五里他日涉郡守圃池見唐開元二十年孝義令
楊仲昌所作魏文侯碑在焉其旁記墓在勝水之陽與其
周環高大甚備至大中十年刺史崔駢自孝義移於此已
而得魏文侯之藏於是使李令攻石剔刻與其墓之所在
周環高大并崔駢所列者盡鑿而立之墓側

謹案開元石久佚大中重刻之石亦不可得今惟謝

山西通志卷九十一
金石記四
十一
記存耳楊仲昌唐書有傳稱其長於吏事又崔沔傳
言其開元中官禮部員外郎議宗廟獻享諸禮蓋一
時博洽多聞者然汾州當戰國時爲趙地非魏之西
河文侯墓不得遠在孝義乃復刊碑以實之斯則好
古之蔽流連勝蹟苟有所據不服深考者矣仲昌又
有抱腹寺碑亦開元二十年立者別見摩崖卷

騎都尉智元墓誌銘

開元二十年十一月 行書今在太谷縣

謹案此誌原石損泐同治間署知縣汪和重摹刻於
書院文頗清麗書亦流動有姿文稱君諱元字慶其
先隴西苗胃智百王之後以一字表名唐人每有之
然多二名者單名則稀見也智百王無考或卽智伯

元和志智伯祠在榆次縣東南三十五里疑土俗神之習稱伯王又書爲百王也然其姓本出河東而云隴西苗胄似別有本當闕疑也曾祖隴曹南陽郡守祖德板授汾州司馬父燕辭榮不仕皆不見於古籍板授見魏書帝紀謂板假老人官蓋由推思以加虛號所謂賜百年以下假郡守假縣令也則其祖授官當在隋唐以前矣其敘元事蹟有云時當用武雄心猛烈召募從征克敵無遺蒙授騎都尉云云唐志勲級凡十二轉六轉爲上騎都尉視正五品五轉爲騎都尉視從五品

戰功計殺獲之數出少擊多日上陣殺獲十之四自上獲凡上陣上獲得

五蓋以戰功得五品勲級而未授職任者也縣志墓在城東十里朝陽村東北四里而誌則云葬夕陽村

東北四里東連覆允西眺龍門南瞻象河北臨徐水
覆允不知爲何地象河徐水並在縣境龍門蓋指龍
山則在太原以西矣其夕陽之爲朝陽或後人所改
誌中殍於私第悲纏陟岵殍岵二字皆字書所無

后土神祠碑銘

開元二十一年八月 御製并書舊在榮河縣
太平寰宇記蒲州寶鼎縣后土祠在漢汾陰故城西北二
里在今縣西北一十一里唐開元十年幸之親祀並建碑
及御製文并書

蒲州府志開元二十一年上欲幸太原中書蕭嵩言於上
曰十一年親祠后土神明昭佑累年豐登有所必報禮
之大者從之以張說爲禮儀使將作少監張景爲壇場

使十一月二十日祀后土於雒上以唐皇帝配禮畢上
自爲文今有司刊石於祠

后土神祠碑陰

開元二十一年 蕭嵩書

謹案碑及陰並見金石錄開元再祀汾陰在二十年
錄作二十一年據立碑之歲月也寰宇記作十年誤
明皇文見文苑英華或以張說所作又謂說僅撰銘
序爲御製胥誤也蕭嵩所書之碑或卽御碑或別一
碑無可考張說以開元十八年卒其爲禮儀使在十
年各志皆譌爲一事

屯留令薛僅善政碑

開元二十一年 徐季鴿撰崔黃中行書見金石錄

謹案碑不知亡於何時文見舊志僅汾陰人官屯留
七年有善政開元中以薦擢右拾遺十七鄉父父崔
亮臣郭全璧等五百餘人爲豎是碑

董師言墓志

開元二十三年 舊在長治縣南董村

長治續志案舊志標目曰董君墓志銘并序而實無銘
豈原石故佚耶抑傳寫脫漏耶董君以儀鳳三年卒歷
四十八年始葬其文驪駢云詳夫孕質銀河凝神珠滄
動搖光之鑑晰瑩水鏡於澄漪金紫光祿之榮銀青大
夫之職泊茲以降代有人焉君諱師言字德行望本隴
西董狐之苗裔因官此郡人也起八語似當在此郡人
也之下上石時誤書於前遂不可通府志竟刪之失其

實矣

贈兗州都督裴守真碑

開元二十四年 崔清撰梁昇卿八分書舊在稷山縣西八里

金石錄碑云曾祖景周富平令祖正長平郡贊持考春鄒令新唐書宰相世系表云景生正隋散騎常侍正生春字歸厚為鄒令而元和姓纂乃云正生歸厚歸厚生春者誤矣惟守真及其子耀卿碑皆云正為長平郡贊治案治為高宗諱亦作贊持而世系表言為散騎常侍又云春字歸厚不知何所據也

明皇論張九齡撰裴光庭碑勅

無年月 御筆行書今在聞喜縣

開喜志補右石縱橫皆三尺許在裴柏村晉公祠明皇
行書趙子函以爲豪爽可喜此勅與孝經後結字正同
故是得意筆也前代帝王游心翰墨者莫若唐之多黃
魯直云蓋太宗以來家法如此春明退食錄云王沂公
弟子融侍郎守河中還以此上之仁宗遂御篆賜沂公
碑額曰旌賢惟宋次道誤記所上爲裴耀卿碑趙明誠
駁之是矣而趙亦誤以此爲卽裴光庭神道碑殊不知
乃與張九齡使撰碑之勅也舊志稱光庭神道碑半在
裴柏祠其誤亦本德父蓋未嘗詳檢文義遂妄指爲神
道之斷碑耳

侍中兼吏部尙書贈太師裴光庭碑

開元二十四年 張九齡撰明皇御書今在開喜縣

集古錄按唐書列傳云光庭與蕭嵩不平及卒博士孫琬
希嵩意以其用循資格非獎勸之誼謚曰克平帝聞特賜
謚曰忠憲今碑及題額皆爲忠獻傳云撰搖山往則而碑
云往記光庭以開元二十一年薨二十四年建此碑元宗
自書不應誤皆當以碑爲是

集古錄目錄賢院學士張九齡奉勅撰元宗御書侍中裴
耀卿題御書字兵部尙書同中書門下三品李林甫題額
諫議大夫褚延誨墓勒光庭字連城河東聞喜人官至侍
中正平郡公贈太師謚忠憲碑以開元二十四年十一月
立在聞喜

金石萃編按此碑僅見集古錄與錄目有之餘皆不見著
錄錢塘倪濤六藝之一錄載及此碑蓋倪氏是廣採諸家

目錄者此碑得入錄賴有歐公二跋也碑文斷缺題稱忠
獻公而泐其姓文內敘氏族處皆泐賴有二十一年春三
月癸卯遘疾薨於京師字特完好以元宗紀證之知爲裴
光庭也惟紀書三月乙巳裴光庭薨碑則云癸卯小異耳
前題金紫光祿大夫侍中□□館學士上柱國□□縣開
國男臣□□□奉附此乃奉勅撰文者以光庭傳考之知
爲張九齡也九齡傳遷中書舍人內供奉封曲江縣男出
爲嶺南道按察使召爲祕書少監集賢院學士副知院事
今碑作□□館學士以似宏文館學士矣與傳異也碑是
御書未有檢校模勒使樹碑使二行凡御書碑宜皆有此
勅使二人想搨者失之獨此碑見耳樹碑使泐其姓名無
從考矣模勒使存庭誨二字据集古錄目知爲諫議大夫

褚廷誨也廷誨庭誨互異當從碑然集古錄目不及樹碑使何也猶幸其前詳叙題御書字之裴耀卿題額之李林甫今搨皆佚之又可知凡御書碑皆有題御書字之人他碑皆不詳獨此碑有之歐公得此碑時皆及見之也又檢文苑英華此文雖多訛字然可取以補碑之闕者甚多知今碑存者僅三之一耳文前叙先世云伯翳之後與秦同姓始封於裴因邑命氏其後銘詞則云益作舜虞鍼分晉士慶流八族德成三祖伯翳卽伯益通志氏族略云裴氏嬴姓伯益之後秦非子支孫封鬻鄉因以爲氏今聞喜鬻城是也聞喜隸解州六代孫陵當周僖王之時封爲解邑君乃去邑從衣爲裴一云晉平公封顓頊之孫鍼於周川之裴中號裴君此碑叙先世叙與銘各從一說也然唐

書宰相世系表已云封鍼裴中之說疑不可辨而銘乃取之可知當時裴氏譜牒非甚有確證者矣世系表云陵裔孫蓋蓋之九世孫燉煌太守遵自雲中從光武平隴蜀從居河東安邑安順之際徙聞喜案聞喜志縣據漢永平二年敦煌太守裴岑碑辨遵為岑其後分為西眷中眷東眷三裴即碑所謂三祖也光庭系出中眷裴氏碑云魏晉之際為人物之傑與瑯琊王氏相敵時人謂之八裴八王此語本世說云正始中人士比論以八裴方八王裴徵方王祥裴楷方王衍裴康方王綏裴綽方王澄裴瓚方王敦裴遐方王導裴頠方王戎裴邈方王元是也此下叙其大王父定高英華脫高字大父仁基父行儉文皆泐惟存見危致命謚之曰忠數語其祖事蹟與史傳合他碑傳皆稱曾王父此謂之大王父竊見也然

是英華刻本語非石本可据者也此下叙光庭事與兩史傳互有詳略碑旣大半磨泐僅從英華補闕不足深辨惟碑云謚忠獻舊史傳同新史作忠憲爲尤不同耳碑云搖山往記維城前軌以諷之盖所以諷諫諸王子者故舊傳載手制褒美又令皇太子以下與光庭相見以重其諷誠之意此書碑與新傳作搖山舊傳與英華作瑤山按此語似本山海經云祝融生太子長琴是處搖山始作樂風楛亦作瑤韋永慶寒食應制詩藹藹瑤山滿仙樂始歌風是楛山瑤山皆可而搖山則誤也似碑文模糊辦之未確耳謹案此碑不知亡於何時志略云碑額猶存在晉公祠當是誤明皇勅書爲額也聞喜志補謂行儉墓南數十武復有裴氏一墓其碑更大而側卧土中僅露

碑側諦視亦無字欲掘而起之非八九十夫不可或
卽此碑蓋本耐其父塋述巷箚錄距今末百年不應
片石無存也

王盛墓志銘

開元二十七年二月 舊在潞安府

長治續志案此誌明天啟中潛墮於城東南隅掘得唐
初府治在隋子城中偏西北故文云葬城南五里也可
以證舊說壺關故城在城東南七里之訛府志乃據此
謂隋唐以來之上黨縣皆不在今城以五龍山下之故
城常之則謬矣盛年八十六卒祖父皆無官位與其母
郝氏繼母陳氏同日葬文並志其卒年

王守忠墓誌銘

開元二十七年二月 舊在長治縣蒲池村

長治續志按守忠家世無顯者文叙其事蹟有云應良
家之選備羽衣之林一衛軒墀屢移星律勉慕仁智放
情山水蓋嘗簡留宿衛而不就兵部選者師言王盛二
誌與母合葬已爲罕見此志乃云新婦新平馮氏次子
承休之偶也開元十三祀三月歿於室年甫十八粵以
開元二十七年二月癸亥朔二十八日庚寅合葬於潞
府城南三十五里蒲池村西北二里平原禮也是前人
於同日耐葬者並稱合葬不以爲嫌也

夏縣令李涇德政碑

開元二十七年 盧昺撰張休倩書舊在夏縣

集古錄目唐李涇德政碑河中猗氏丞盧昺撰吏部常選

張休

原本闕一字據墨池編為張休倚

書絳州夏縣令李涓之德政碑也

涓字涓

下闕縣名

人碑以開元二十七年立

五臺山清涼寺碑

開元二十八年

李邕撰舊在五臺縣

志略寺在中臺南卽佛書所謂文殊現相之地寺南有清

涼石碑不知亡於何時文見文苑英華記帝長女永穆公

主造像及貴妃兄楊銛寫經事

太谷縣令安廷堅美政頌

開元二十九年三月

撰人闕房隣妻高氏書舊在太谷

縣

集古錄右安公美政頌房隣妻高氏書安公者名庭堅其

事蹟非奇而文辭亦匪佳作惟其筆畫遒麗不類婦人所

書余所集錄亦已博矣而婦人之筆箸於金石者高氏一人而已然余嘗與蔡君謨論書以謂書之盛莫盛於唐書之廢莫廢於今余之所錄如于頔高駉下至楷書手陳游瓌等書皆有蓋唐之武夫悍將暨楷書手筆字皆可愛今文儒之盛其書屈指可數者無二四人非皆不能蓋忽不爲爾唐人書見於今而吾不知於當時者如張師邱繆師愈之類蓋不可勝數也非余錄之將遂泯然於後世矣余於集古不爲無益也

石壁寺鐵彌勒像頌

開元二十九年六月 林諤撰房隣妻高氏行書今在交城縣西北二十里永甯寺

集古錄余所集錄古文自周秦以下訖於顯德凡爲千卷

唐居其十七八其名臣顯達下至山林幽隱之士所書莫不皆有而婦人之書唯此高氏一人爾然其所書刻石存於今者惟此頌與安公美政頌爾二碑筆畫字體遠不相類殆非一人之書疑模刻不同亦不應相遠如此或好事者寓名以爲竒也識者當辨之

石墨鏤華此房璘妻高氏書高氏又書安公美政頌歐陽公謂字迹如出二手而疑好事者寓名以爲竒余未見美政頌此本借自東肇商觀其筆法遒勁信足名家而一經元祐火燬政和間寺主道珍重勒再經大定火燬泰和間寺主元釗又勒鏤銀都亡僅存形似耳金人口苑跋語歷歷可證近吾鄉人有爲交城廣文者爲言碑今又就燬交城人猶有舊搨本以此觀之亦非開元刻乃泰和刻也然

則碑自元祐至今凡三燬於火矣何高氏之不幸也

金石文字記在今交城縣石壁山寺末有金泰和四年跋
潛研堂金石跋尾右石壁寺鐵彌勒像頌其文曰石壁谷

隨

卽隋

隸西壽陽縣唐改壽陽爲文水先朝分置交城而

立寺焉案隋書地理志文水舊曰受陽開皇十年改焉交
城開皇十六年置是文水之改名交城之置縣皆在隋時
碑以爲唐時改者蓋誤而交城之由文水分則又史未及
載也又攷元和郡縣志壽陽縣本漢榆次縣地西晉於此
置受陽縣卽今文水縣是也開皇十年改受陽爲文水又
於受陽故城別置受陽縣貞觀十一年改名壽陽是壽陽
之名實唐初所改隋志書已改之受陽作受字別置之受
陽作壽字似誤碑云隋隸西壽陽縣攷隋時兩受陽不並

置當因文木在今壽陽之西故土人稱西以別之不云受陽而云壽陽者據後所改而稱之也

金石萃編接受陽壽陽潛研跋辨之甚晰然尙未盡者今

刻太平寰宇記壽陽縣本漢榆次縣地西晉於此置壽陽

縣屬樂平郡盧諶征艱賦云厯壽陽而總轡卽謂此晉未

省後魏風土記晉末山戎內侵徙壽陽之民於大甯案元和

縣志作大陵是也在交城城南置受陽縣屬太原郡隋開

皇十年改壽陽案當作受陽縣爲文木縣又於壽陽故城別置

壽陽縣屬并州卽今縣是也大業三年罷州爲太原案隋

字縣仍屬焉唐武德三年置受州縣改屬貞觀八年廢受

州縣屬并州據此則自西晉至唐貞觀祇作壽陽未嘗有

受陽也據魏地形志則自晉至魏皆作受陽案地形志榆

次縣有壽陽

城即故壽陽城也。隋書地理志則文水縣注云舊曰受陽。隋開皇

十年改焉。壽陽縣注云開皇十年改州南受陽爲文水。分

州東故壽陽置壽陽。詳玩文義州南受陽當作州西東故

壽陽當作受陽。疑隋志刻誤。州東者并州之東也。齊周所

置。隋大業三年改太原郡故受陽在州東則析置之文水

縣在州西。明矣。碑所謂西壽陽者卽此。元和郡縣志壽陽

縣本漢榆次縣地。西晉於此置受陽縣。永嘉後省。後魏太

武遷戎外出徙受陽之戶于大陵城。置受陽縣。卽今文水

縣是也。開皇十年改受陽爲文水縣。又於受陽故城別置

受陽縣。屬并州。卽今縣是也。大業三年罷州爲太原郡。縣

仍屬焉。武德三年置受州。縣改屬焉。貞觀八年廢受州。縣

屬并州。貞觀十一年更名壽陽。是貞觀十一年以前從無

壽陽之名寰宇記傳刻之誤信矣然稽之舊唐書地理志
孟縣云隋縣武德三年置受州領孟壽陽二縣六年移壽
州於壽陽貞觀八年省受州孟復屬并州壽陽云隋舊縣
武德三年屬遼州六年移受州於此貞觀八年廢壽州縣
隸并州是以壽陽爲隋時舊名且於受州前作受後忽作
壽自相抵牾如此可知壽受二字之易涉訛誤又不獨寰
宇記爲然矣原注新唐書獨不誤其後如文獻通考於壽陽但云晉
舊縣於文水但云漢大陵縣皆不著受陽字鄭氏通志叙
地理仿禹貢之體不詳沿革無可折衷也此碑旣以壽陽
之名起於隋復以改壽陽爲文水在唐時並與隋唐諸史
異下云先朝分置交城而立寺焉隋書地理志交城縣開
皇十六年置不始於唐其云先朝唐地理志謂先天元年

析置靈川縣案靈川乃開元元年省依文當云析置靈川

非析置交城也案唐初交城縣在今縣東北九十里故交

右壁寺在今縣西二十里爾日與却波村或本皆交水

縣地故云分交水置交城也先朝正指武周天授也

意度之交城與交水接壤或大牙相錯之處隨時彼此析

屬而寺址遂隸於交城耳碑云石壁寺者晉之西山舊號

石壁谷山西通志石壁山在交城縣西北二十里疊嶺周

環拱列如壁有石崖峭削百仞唐建石壁禪寺今為永甯

抱腹寺殘碑

開元中 田琦撰并八分書今在介休縣縣山上

謹案碑在抱腹巖下久湮土石間光緒癸未曹學博

子勤訪得啟出之文殘闕存者僅及百字碑末有大

關二夫行 關州字 雲騎尉雁門縣開國男 下關字數無考

田琦辭并書及處王法澄檢校造鑄者金三胡資 關

寺主 關 貞監立諸字又碑中有開元字蓋立石之年

也田琦雁門人寶泉述書賦稱其工八分小篆推崇

甚至所書有魏文侯廟碑見墨池編亦在汾州今不

可見此碑雖殘缺特甚而其隸法道美不減韓擇木

在唐碑中亦僅見者

禹廟頌

開元中 呂延祐撰楚順八分書詳河津縣漢禹廟碑下

張智度墓銘

天寶元年 今在平遙縣

平遙縣志唐張智度墓銘殘石為人磨滅所存止百數

字華帶兼籀意酷似儲河南楷法與慈恩金塔聖教略同而漫缺如此惜哉砌之西河書院壁上使好古君子珍玩焉

慶唐觀金錄齋頌

天寶二年十月 崔明允撰史惟則八分書今在浮山縣龍角山

金石文字記昔人所用莊子御六氣之辨意各不同惟梁簡文帝南郊頌元默御辨寂照秉真後周庾信至老子廟詩虛無推御辨寥廓本乘規及此碑云皇帝御辨無爲齊心正一爲得其旨

金石萃編案此碑在浮山縣唐時謂之神山縣屬河東道晉州平陽郡唐書地理志神山縣本浮山武德二年析襄

陵縣置東南有羊角山四年以老子祠更名神山山西通志山川卷內羊角山唐武德間更名龍角山在浮山縣南三十五里東西二峰高峙雲表武德三年縣人吉善行言於羊角山下見白衣老父曰為吾語唐天子吾為老君而祖也詔以地立廟又寺觀卷內云天聖宮在羊角山之麓武德三年二月老子見於大樹下謂里民吉善行曰吾唐皇帝之遠祖也言訖不見遂詣長安奏聞命左親衛都督杜昂于羊角山致祭老子再見復命有司於其地建祠開元十四年此語誤碑作十六年御題觀額詔改慶唐觀御書額及碑文賜之改羊角山為龍角山并改浮山縣為神山縣此語亦誤縣改神山皆武德四年事命高力士董修老君殿宋天聖五年詔改觀為天聖宮金錄齋者唐六典祠部條下載凡天下觀總一

千六百八十七所每觀觀主一人上座一人監齋一人道士修行有三號其一曰法師其二曰威儀其三曰律師其德高思精謂之鍊師而齋有七名其一曰金籙大齋調和陰陽消災伏害爲帝王國王延祚降福其二曰黃籙齋並爲一切拔度先祖其三曰明真齋其四曰三元齋正月十五日天官爲上元七月十五日地官爲中元十月十五日木官爲下元皆法身自懺讐罪焉其五日八節齋其六曰塗炭齋其七日自然齋此碑蓋爲修金籙大齋而作頌而碑又建於十月十五日下元齋則是爲國延祚設齋而建碑在三元齋期也碑爲崔明允撰史惟則書兩唐書俱無傳述書賦注史白廣陵人諫議大夫善飛白子惟則陶宗儀云名浩字惟則然則碑書惟則以字行也集古錄唐世

分隸名家者四人韓擇木蔡有鄰李潮及惟則也墨池編云惟則天寶中嘗爲伊闕尉集賢院侍制後至殿中侍御史據此碑是伊闕丞非尉也碑云於是內使高口王城而至謂高力士卽陝西志所謂命高力士董修者是也碑書我法彌久作殄久猶靈應頌書殄爲瀾也末云以奉至尊至尊蓋至尊應闕二格書時直下覺其誤乃複書之而上文未抹去也文中非夫至至下至字疑聖字之誤又考道藏目錄有龍角山記一卷注唐明皇御製慶唐觀記並聖銘等記蓋皆爲龍角山慶唐觀而作碑文所云大建明白於御碑者似卽指此

代州都督薛仁貴碑

天寶二年 苗神容撰薛伯疑書舊在安邑縣

集古錄碑云公諱禮字仁貴河東汾陰人唐書列傳云仁

貴絳州龍門人又不云名禮案唐書宰相世系正作禮字仁貴歐公偶未檢照余

家集錄薛氏碑尤多據仁貴子楚玉碑亦云父仁貴爾仁

貴為唐名將當時甚顯著往往見於他書未嘗有云薛禮

者仁貴本田家子奮身行陣其僅知姓名爾其曰名禮字

仁貴者疑後世文士或其子為增之也列傳又載仁貴降

九姓事云軍中為之歌曰將軍三箭定天山戰士長歌入

漢關仁貴卒於永醕中碑以天寶中建不載漢關之歌不

應遺略疑時未有此歌亦為後人所增爾志略煒案唐人

行如房元齡名喬高士廉名儉顏師古名籊封德彝名倫

之類指不勝屈蓋當時習尚如此無足異也歐陽公疑子

孫為增之殆不可信

集古錄目唐薛仁貴碑著作郎宏文館學士苗神容撰仁

貴元孫左領軍衛兵曹參軍伯疑書仁貴名禮以字行河東汾陰人官至明威將軍代州都督碑以天寶二年立在安邑縣

圓濟和尚塔銘

天寶三年 韓詮撰董光朝行書今在芮城縣

謹案碑標題云故和上法昌寺寺主身塔銘戈青侯履徵所得者石嵌寺殿後壁爲鐘懸所隱艱於施墨故自來未見箸錄和上僧臘八十一以天寶二載十二月二十八日示寂文未言刊石年月蓋已在三年矣撰書之韓詮董光朝並署進士書頗秀潤文標題爲銘而未乃用彼法作偈曰唐塔銘類然不止此碑也

蒙山祠記

天寶五年十一月 李瑗撰上官燦行書見天下金石志
舊在太原縣

西河太守杜公遺愛碑

天寶五年 見金石錄舊在汾州府

周夫人墓志

天寶六年十月 今在汾陽縣

抱經堂文集誌後云以茲吉晨赴杜城東郊之禮也余初
疑句有脫字及觀大厯間光祿卿王訓墓誌亦云遷厝萬
年縣澆川鄉澆川原之禮也則當時自有此文法誌不知
何人作但有岳也匪才忝爲敘述之語岳則其名也而不
著姓銘亦甚率略此石舊在長安農家畢中丞云近爲山

西汾陽某氏攜去今此搨本模餽者僅三字不知是元刻
抑翻本也

柱國郭盛墓誌銘

天寶九年十一月 舊在長治縣

嚶谷別集案柱國以武功起家文中往以龍遊淇水棄筆
從戎當指征高麗事然其卒在開元二十八年年止六十
九去太宗親征時甚遠不當援及蓋生高宗上元初年時
高麗兵事未解後來以武資得官勲級至柱國遂藉爲鋪
張地諛墓之文至此浮誕極矣元石不知所在僅據舊志
鈔入其文首君諱盛字德周號叔之苗裔郭伋之後皆嘗
有闕字又曾祖寔任慶州華池縣尉父愍隋朝舉秀才中
不及祖亦當有闕文蓋石有殘泐寫者誤連書之也

西河太守劉寂德政碑

天寶九年 孫宰撰鄔彤行書見金石錄舊在汾州府

賜上黨故吏勅書

天寶十一年十月 見金石錄舊在潞安府

上黨啟聖宮頌

天寶十二年二月 明皇御製並八分書見金石錄

張安生墓誌

天寶十三年 今在甯武府

古誌石華道光中石出長安爲甯武楊元泗所得

苗晉卿歸鄉記

天寶十四年 撰人姓名殘闕胡沛然八分書見金石錄

舊在壺關縣

前夏縣令劉晏德政碑

天寶中 見天下金石志舊在夏縣

新唐書劉晏傳天寶中累調夏令未嘗嘗賦而輸無逋期

舉賢良方正補温令所至有惠利可紀民皆刻石以傳案

不詳撰書人及年月標題為前夏縣令則當在官温時為天寶末矣

郝洽墓碑

今在長治縣西火鎖

長治縣志案前志隱逸傳郝洽字元津以門第為本州

中正隱居西火鎖云云當是据碑為之府志碑文胥四

六歲久剝落疑為州中正乃其祖父文字殘缺遂誤合

為一人洽隱居當開元時州置中正在唐初也

思道禪師墓志

乾元元年十二月 今在夏縣寺后村威神寺

金石萃編按碑云絳州夏縣平原人也唐書地理志夏縣本隸虞州貞觀十七年隸絳州大足元年屬陝州尋還隸絳州乾元三年復屬陝州此碑刻於乾元元年其時夏縣尙屬絳州也平原者地理志絳州絳郡注云有府三十三其一曰平原碑又云遷於條山之側條山卽中條山也在虞州解縣元和郡縣志山在解縣南二十里縣東十里有鹽池碑又云鹽池臨南者是也

登逍遙樓詩石刻

乾元元年 明皇御製并書舊在蒲州府

集古錄目唐元宗登逍遙樓詩元宗御製并八分書太常卿姜皎書年月蒲州刺史王瑱以詩刻石請御書碑額表

一蒲州刺史顏真卿書荅詔肅宗書以乾元元年立

忻州司馬柳真召墓誌銘

乾元二年十二月 今在忻州

謹案司馬諱口召字真召所缺之字似仍爲真召唐人名與字同如侯仲莊字仲莊者史傳碑誌皆有之日知錄所考最詳司馬亦其例也會祖慈口口銀青光祿大夫貝川刺史祖仁秀唐朝散大夫睦州司馬父慈朝請大夫辰州都督檢新唐書宰相世系表知司馬爲北魏柳蚪之裔表闕其世次以此誌補之乃釐然具備表蚪之孫睿之生慈明職方郎中知誌會祖所缺之名卽慈明下一字當爲隋貝州刺史乃舉其卒官較表爲詳此下表闕一世卽誌之祖仁秀也

父慈則誌與表悉合矣而司馬及其子表皆闕如據志司馬嗣子鉅次撰次河又有孺子澈皆當據以補入而終以表之名立者雖未知其卽爲鉅之子否要於司馬爲適孫矣誌叙事蹟有云甫年弱冠孝廉擢第遭時寇虐特爲使司委焉良佐不移復兼防禦副使運良籌整師旅卒乘輯睦少長有禮云云百官志安祿山反諸郡當賊衝者皆置防禦使然則所謂寇虐卽指祿山之變祿山節度太原又兼雲中刺史忻代正當兵衝防禦旣設卽以司馬爲副而誌於標目不書者以其爲兼官也司馬卒於乾元二年十二月距祿山起事已及二年方李克弼守太原史思明攻圍累月而忻以近州不爲所旁略者亦未必非運籌

整旅之力誌不為溢美矣又唐代多由進士明經起

家孝秀之選寥寥寶應元年禮部侍郎楊綰始請復

古孝廉力田等科肅宗詔明經進士與孝廉兼行而

司馬於開元時已由孝廉入仕是又當表徵者也

夏大夫關龍逢碑陰

乾元中 張甫撰舊在安邑縣

舊通志夏關龍逢墓在安邑縣東北二里許案寰宇記

縣隸龍逢墳在縣西南七里城家記云關龍逢葬在龜

頭原左脅高三丈唐太宗東巡致祭開元十三年立碑

舍人吳鞏之詞今詳謂文一覽吳于之文再明關公之

義爰託匠石勒於碑陰云云則亦刻於靈寶墓者而舊

志及安邑志均不采吳文而列此碑豈後人

王公城河中頌

上元元年十月 陳翊撰盧耿書見金石錄舊在蒲州府

謹案新唐書賈至傳至德二年蒲州刺史以河東瀕
賊微傳城廬舍五千室不使賊得保聚民大擾詔遣
至慰安官助管完蒲人乃安至德訖上元中隔二年
當卽其事王公疑仍爲王瑛

金剛殿功德碑

寶應元年 今在壽陽縣北四十里雙鳳山

壽陽縣志陽摩寺在雙鳳山唐寶應元年北京留守名

殘與縣令 縣名並姓 爲寺僧金剛照造功德堂有碑記

失撰書人姓名書法似儲聖教序

澤潞節度使李抱玉紀功碑 有陰

廣德二年 元載撰史惟則八分書碑陰王志安撰男自

正書見金石錄

志略燁接抱玉河曲武威人本姓安後姓李氏肅宗所賜也初名重璋後名抱玉元宗所改也代宗時終於河西隴右副元帥同平章事封涼國公贈太保謚曰昭武王弁洲續葉跋涼公碑云公起家邊將中興名位差肩李郭而能守忠節以顯融終介弟承之又大開方面勲且公一武弁能力辭王爵辭司空左僕射以視僕固懷恩輩不天壤哉

承天寨記

大曆元年 道士胡伯成撰書今在平定州娘子關西志略在州東八十里承天山唐建承天軍於此爲太原恒山之界大曆元年河東節度兵馬使張奉璋築城山有老君洞碑在洞門左按州志載此文爲李諲撰山川下云承天山有唐大曆二年修承天城碑記古蹟門則云承天軍

城大厯元年河東節度張奉璋築有胡伯成記自相矛盾殊不可解所錄碑文有開皇大業賊臣總燕師者踰盟津突函谷有竊天下之志時元戎薊公慮侵軼於我乃申命開府張公奉璋嚴戎式遏云云豈復唐人語哉知修志者於本境石刻全未寓目詎以傳訛非得拓本無由更正也絳州刺史李棲筠德政頌

大厯二年 崔臣撰劉鈞八分書舊在絳州見金石錄陽摩寺功德銘

大厯二年 今在壽陽縣雙鳳山

壽陽縣志陽摩寺有大厯二年功德銘常山太守姓名

奉勅撰

贈虢州刺史太常卿趙叔沖碑

大厯四年五月。邵說撰王瑀八分書並篆額今在虞鄉縣

金石萃編按趙叔沖兩唐書無傳撰人安陽邵說題銜曰
尙書兵部郎中舊唐書傳說舉進士爲史思明判官吏敗
說降於郭子儀累授長安令祕書少監遷吏部侍郎太子
詹事新書文藝傳惟不載侍郎詹事官餘與舊傳同而皆
不言官兵部郎中傳之略也書篆者王瑀無攷碑敘叔沖
先世云顯和之元孫世立之曾孫君煦之孫徵之子不云
高祖某曾祖某祖某父某也隋唐書亦無諸人傳碑云天
后時應明堂大禮科兩唐書選舉志皆不載此科目天后
之享明堂在永昌元年正月叔應舉當在是年碑云公廢
疾告其二子良器良弼曰吾祖成季宣孟忠勲炳著迫漢

吏部尙書融晉黃侍郎元亦能剿攘寇難捍衛王室按成季趙衰也宣孟趙盾也衰字子餘盾衰子字孟謚宣子左傳韓厥言於晉侯曰成季之勲宣孟之忠而無後爲善者懼矣碑諸本此趙融附見魏書趙逸傳云逸天水人十世祖融漢光祿大夫而不言其官吏部尙書趙元見晉載記晉師伐秦秦時姚洸鎮洛陽趙元說洸固守洸出戰元從之會陽城及成皋滎陽武牢諸城降元死於陣而不言其官黃門侍郎皆史之略也蓋叔沖之先世可攷者如是良器良弼兩書亦無傳

虞鄉縣志趙叔沖墓在縣西方山鄉五老原舊碑久已仆瘞地中復設虞鄉時土人掘出舊在孫常鎮茶房西邑令劉公南移官道砌塼新立

傅巖廟碑

大厯四年 舊在平陸縣東聖人澗

集古錄目唐傅巖廟碑侍御史內供奉楊麟撰夏縣尉宗

正卿姓名八分書大厯四年立在夏縣

尙書石僕射薛嵩神道碑

大厯八年 今在夏縣西四十里

集古錄目薛嵩碑禮部郎中程浩撰梁州都督府長史翰

林待詔韓秀實八分書嵩楚玉之子也初為史思明將朝

義收以其地降即拜昭義軍節度使封平陽郡王碑以大

厯八年立在夏縣

謹案碑稱公諱嵩字嵩河東萬泉人大厯七年十二

月景寅薨於磁州明年七月歸葬於夏縣先將軍塋

歐公謂武人本無字正可爲嵩言若其祖仁貴名禮
父楚玉字瑤並見世系表必非子孫追稱者也磁州
字作慈與李抱真碑同可爲錢氏說增一佐證仁貴
墓據集古錄在安邑縣則嵩當附葬父墓然在夏縣
西四十里已入安邑界且碑述先世仁貴爲左武衛
大將軍楚玉爲右羽林大將軍則先將軍塋亦或統
祖父言之也碑云嗣子十人祇詳長子平餘不著名
檢世系表列名者凡十一人未知孰是其云伯昆右
金吾將軍仲昆太子少師則嵩兄岌粵碑與表悉合
也嵩爲思明部將至有軍三萬縣四十歸順後遂膺
王爵擁重鎮家世復振今薛氏諸碑無復存者而此
石獨復臨道左抑何其多幸程浩文莊腴得體秀實

書亦唐隸之佳者僅殘缺二十餘字耳

妒神頌

大曆十三年 李諱撰今在平定州娘子關

道山集承天鎮懸泉詩注平定土俗傳介子推被焚其妹
介山氏取兄妻君積薪自焚號曰妒女祠其碑大曆中判
官李諱撰詞旨殊謬至有百日積薪一日燒之語鄉社至
今以百五日積薪而焚之謂之祭妒女

曝書亭集異哉妒神之有頌也神之號不在祀典見於史
傳者唐高宗將幸汾陽宮并州刺史李冲元以道出妒女
祠俗云盛服過者必致風雷之災乃發萬人別開御道狄
仁傑謂天子行風伯雨師清塵灑道何妒女之害耶遽令
罷役然則妒女有祠其來久矣相傳神介之推妹也頌之

者誰游擊將軍上柱國李謹也碑於何所今平定州娘子關也州東有井陘東北有盤石葦澤而斯關以娘子稱殆因神而名之也立碑之歲大厯十三年也神之行事不見於春秋內外傳其妒也孰傳道之自唐以來祈焉而祝史稱廟焉而膜臘祭此謂有其舉之莫敢廢也且夫妒惡德也宜爲衆所共惡而神乃以是致頌此不虞之譽也井陘西南太原東北妒神案碑作祠之水澹焉案碑作爲黛色興雲致雨作造化力頌之辭也吾思古人嗜金石文字者多矣考斯碑未嘗著於錄推而拓之裝界而藏之古林曹侍郎浴也以八分書其後者布衣秀水朱彝尊也歲在強圉協洽八月朔

謹案魏書地形志樂平郡石艾有妒女泉

今本誤及

祠寰宇記引郡國志云子推妹也其相傳蓋久而記
又言故老傳此泉有神似鼈晝伏夜遊神出水隨神
而湧此又何說豈河東獅別有變相哉李謹頌之殊
堪解頤於闕非文人又何議焉

河濱神廟碑

大曆中 王延昌文舊在永濟縣南門外

蒲州府志河濱祠開元十五年始自朝邑徙祀於河中
府肅宗封靈源公其有廟之始則河中節度使郭子儀
所建巡官王延昌記

薛楚玉碑

大曆中 韓濟撰集賢學士口書舊在絳州

贈太子少傅趙良器碑

大厯中 舊在虞鄉縣

虞鄉縣志中書舍人贈太子少傅趙良器墓在五老原

西北中正原吏部郎楊綰撰碑

贈揚州大都督趙良弼碑

大厯中 舊在虞鄉縣

虞鄉縣志唐陝華盧澧撫越廣等州刺史御史中丞嶺南浙東兩道節度使太子賓客襄武縣開國男贈揚州大都督趙良弼碑刑部尚書顏真卿撰在五老原西北元俊岡良器良弼贈虢州刺史叡沖子也

太子右庶子兼御史中丞趙復碑

大厯中 舊在虞鄉縣

虞鄉縣志墓在五老原西北鳳凰原兵部侍郎賈至撰

碑以上趙氏諸瑩俱見叔冲墓碑陰

謹案趙氏諸碑久佚其知為撰人者賴叔冲碑陰留

識耳據元和姓纂良弼六子密河南少尹縱戶部侍

郎復其四子也生元陽真長元陽滁州刺史真長監

察御史又叔冲從祖和州刺史孫珍生匡贊匡洋州

刺史贊戶部侍郎其家世若此亦志乘所當詳者也

寶應靈慶池神廟記

建中二年八月 張濯撰舊在安邑縣運城

安邑縣志廟在池北卧雲岡唐大厯間瑞鹽生錫神號

為靈慶公案建中碑不知亡於何時文略云大厯丁巳

秋雨成災今京東和羅使兼知河東租庸鹽

鐵侍御史清河崔公陸時以監察權領是邦籲天有禱

翌日開霽紅鹽自生色澈丹砂靈賦休徵古未之有公

乃獻狀於戶部侍郎韓公洸韓公伏奏於代宗代宗俸

諫議大夫蔣鎮覆之則編於史册薦於郊廟矣冬十月

詔鑄池名曰寶應靈農並置祠焉其明年創茲神寢卜
津淮六十里之半當安解二大邑之間又來歲巳未夏
五月九日天子降中貴以往牢祀之制祀光臨衣冠列
位秩齊四瀆禮視三公亦為盛矣云云巳未大曆十四
年是祠成於十三
年次年乃加封也

大谷令李逕墓誌銘

建中三年正月 元少凌撰並書今在太原縣

志略碑云唐建中三年正月十六日太谷縣令隴西李公
逕歿於太原龍興精舍享年卅有五其月二十八日窆於
晉陽城西南一里龍山之下蓋從權也會祖文舉皇殿中
少監祖仲恩皇宗正卿父溥皇同州河西縣令噫公蘊著
中和性惟簡淡齒不得借下壽窻纔至縣大夫口不得經
時家菲寄萬里哀哉曷積世無應豐鍾此門少凌忝以密
親備明素行銘曰云云按晉陽故城在今太原縣北五里

李公官太谷縣令而志遺其名亦憾事也元少凌行書極其飛動唐墓志中不可多得之品也蓋石方尺許篆李公墓誌四字石不知何時出土爲從來箸錄金石所未見余屢見拓本亦不知石存何處也

謹案文中李公逕當是姓名志略以逕字屬下讀作逕直解謂誌遺其名似非逕於唐爲宗室檢唐書世系表屬大鄭王房實西涼武昭王興聖皇帝之八代孫而襄邑王神符之元孫也襄邑五子其季爲文舉表不詳爵秩生三子爲安平公國子祭酒仲思宗正少卿言思兵部郎中華以下世次並闕據此志則文舉官殿中少監仲思官宗正少卿與表不合疑表誤也襄邑五子仁鑒廣宗郡公德懋臨川郡公義範廣

川郡公文陳魏國公不應文舉獨無爵封是安平公
國子祭酒乃文舉表屬之仲思誤以父官爲子官矣
既有此譌遂次下移而仲思實官宗正少卿者遂屬
之言思又誤以兄官爲弟官矣唐國子監從三品殿
中少監從四品文舉蓋先爲少監後仕國子表著其
所終誌舉所歷官並公爵不書略也表中之李華與
遐叔別是一人彼籍趙郡此屬隴西獨可據此李公
及其父溥以補史闕耳唐表於宰相世系所據者各
家之譜訛漏最多若宗室則玉牒昭彰而猶紕繆若
此信乎作史之難而金石文字之有益於史學者爲
不少歟

夏縣令韋澳遺愛頌

貞元二年八月 舊在夏縣

集古錄目唐韋澳遺愛碑監察御史鄭士林撰前進士胡

証八分書澳字又元京兆杜陵人嘗爲夏縣令此碑縣人

所立志略案金石錄並作胡証書別本胡証非

汾陽王廟碑

貞元二年七月 舊在汾州府

集古錄右郭子儀廟碑高參文其敘子儀功業不甚詳而

載破墨姓處本討沙陀處密事則唐書列傳無之蓋子儀

徵時所歷其後遂立大勳宜乎史略不書也然唐書有處

密處月朱邪孤注等皆是西突厥薛延陀別部名號余於

五代史爲李克用求沙陀種類卒不見其本末而參謂處

密爲沙陀不知其何所據也按陳翊子儀家傳亦云討沙

陀處墨十二姓與參所書頗同唐書轉墨爲密當以此傳爲正

集古錄目中書舍人高參撰石威衛倉曹參軍張誼書汾甯節度使韓游瓊請爲子儀立廟於汾州碑以貞元二年七月立

上騎都尉任安武墓誌

貞元三年 今在汾陽縣

汾陽續志此亦得之牧莊石尙完好亦無撰書人名誌稱君諱安武太原西河人上騎都尉年八十四大曆三年十二月十四日終於里第貞口年歲在丁卯十月十七日與夫人清河張氏會葬於西河城南九里平原按丁卯乃貞元三年誌有云高尙其志不經代務代當作

世避太宗諱也書合葬為會葬亦金石例所罕睹銘詞有明明我祖語當是任氏後人所作

文宣王廟碑

貞元五年八月 舊在蒲州府

蒲州府志新修文宣王廟記常仲孺撰貞元五年秋仲

上丁河中元帥司空侍中渾瑊立石

移丹河碑記

貞元七年 武少儀撰舊在高平縣

唐書地理志澤州高平郡高平涇水一曰丹水貞元元年

令明濟引入城號甘泉 案寰宇記涇水一名丹水在縣西北四十里源出纒蓋山開元中有

縣令決開丹河通城澤人謂之涇水泉作開元誤

澤州府志唐貞元七年屯留令平原明濟假領高平建

水神祠列樹建亭武少儀撰記

河南少尹裴濟墓誌銘

貞元八年 移員撰舊在聞喜縣

謹案移員文見舊通志其敘云唐貞元八年冬十月二十八日前河南少尹裴公諱濟字時莊春秋五十卒於京師靖安里之旅舍明年夏四月朔葬於絳州聞喜縣之故原從先公居禮也高祖懷節皇朝洛州刺史生太府少卿昭昭生蔡州刺史剛剛生扶風郡雍縣令據公則雍縣府君之長子也末云母弟澄檢校膳部郎中潤大理司直涇前潁州刺史少失先府君之教入學入仕爲郎爲邦皆公之訓誘也子鋌弱而有立毀過成人云云檢唐書宰相世系表濟爲東

眷裴懷節洛州刺史謚定昭太府少卿綱蔡州刺史
悉與文合惟文不詳懷節之謚又綱剛互異耳表不
著濟所歷官而於其父璩下云河南少尹則誤以子
官爲父官又濟弟三表注澄蘇州刺史涇泉州刺史
而無涇且以澄爲濟兄亦不見子銓之名則又表之
脫譌當以文爲是其歷官不同者文據見官表則其
所終也祖綱文作剛父璩文作據文出傳鈔表經傳
刻非有石本不能證其孰是矣聞喜縣志冢墓條所
記裴氏九十三冢無濟世墓而有少卿裴沼墓在縣
東北四十里永青村檢表南來吳裴氏一眷有沼名
而無官位似沼爲昭之訛卽濟之曾祖官太府少卿
者文云葬聞喜縣之故原從先公居然則濟墓當與

祖父並瑩於永青矣濟初爲襄陽節度來瑱參軍後
爲司徒李勉行軍司馬洎勉罷鎮入相遷河南少尹
文云瑱自相位獲譴已而伏誅凡百門吏逃難解散
公與陳郡殷亮始冒危於保衛終毀家於喪葬君子
難之新唐書來瑱傳瑱之死門下客散去校書殷亮
獨後至哭尸側爲備棺斂以葬而不言及濟據文則
濟實與亮同事瑱爲裴茂程元振所陷德宗信譏殺
之其後梁崇義代瑱鎮襄州爲立祠表祈禮葬得追
復官爵文云毀家於喪葬則濟又嘗與崇義同事其
於故主之誼生死不易若有先世裴瑜之風矣

義陽王李抱真德政碑

有陰

貞元九年 董晉撰班宏書額題唐相國司空義陽王李

公德政口功碑韓秀弼篆碑陰行書今在潞安府

潛研堂金石跋尾攷新舊唐書地理志五代職方考磁州字無從心者此碑磁字點畫分明又天祐十一年澤州開元寺神鐘記亦作此磁字州縣之名當從其時本稱史臣秉筆任意更易非得石刻何由決其然否此金石之有益於史學者也

金石萃編此碑無歲月金石錄系於貞元九年云有碑陰行書今失搨也碑爲董晉撰班宏書韓秀弼篆而皆云奉勅文亦云帝嘉乃誠詔門下侍郎平章事董晉撰文以昭其功而兩唐書德宗紀及李抱真傳皆不書其事舊唐德宗紀貞元十年正月己亥昭義節度使檢校司空平章事李抱真請降官乃授檢校左僕射六月壬寅李抱真卒新

書本紀不書抱眞卒本傳不著卒年而於宰相世系表則
書卒於九年此碑所紀皆抱眞未卒以前之語則金石錄
以爲九年當必有據也撰文者董晉字混成河中虞鄉人
結銜爲門下平章事宰相表載其罷相爲禮部尙書在九
年五月本紀同碑不署禮部尙書官可知其撰文在九年五
月以前矣書碑者班宏衛州汲人傳載貞元八年以宏專
判度支使而無守戶部尙書之官碑書扶風郡公傳所未
及其卒也在八月據此則書碑又在八年七月以前矣今
不能確定姑從金石錄附於九年篆額者韓秀弼與秀實
秀榮兄弟並以八分擅名諸書皆無可考此碑署銜曰朝
散大夫口口府長口口陽縣開國男據廣德二年書臧希
安碑題曰朝議郎守衛尉少卿淮陽縣開國男則此所勘

封縣乃淮陽也墨池編載其所書有元待聘碑李齊物碑
 鄭叔清碑裴曠改葬碑李元亮功德頌李晟先廟碑而不
 及此碑之篆額則此碑久不傳於世矣碑載抱真高祖修
 仁曾祖永祖懷恪父齊賢皆無傳所載抱真歷官兩書稍
 略惟新傳云孫倪國公進義陽王碑則略其公爵傳又稱
 抱真自貞元初朝京師還鎮會天下無事乃好方士有孫
 季長為治丹因讓司空還為左僕射餌丹二萬三千九而
 卒讓司空是貞元十年正月事此碑尙是在鎮時所立也
 長治縣志按碑今斷為二殘闕不可識者一百四十五
 字舊志載其全文據以錄入文中凡帝皇聖天子字空
 六格或五格有唐元后恩
光上澤諸字空 原石文二十八行行五十四字額篆十
 四格或三格 五字分三行書第十四闕而石上刻有方空似當時書

爲紀功後改武功者不可詳矣金石錄但作紀功碑無
德政字末行當有年月爲元張知州磨去自刻其重立
之由府縣志不察遂臆斷爲碑立於貞元十年在茂貞
卒後誤矣碑陰文行書趙明誠謂刻於貞元九年九月
今漫滅無存惟元人題字十六行爲至正三年十月同
知潞州事前進士周泰記卽刻於斷裂之下段字殘缺
不可讀後列銜九行尙完元制達魯花赤爲監州宜首
列此與知州並次於後以左行爲上也

上柱國梁思墓誌銘

貞元九年 今在平遙縣

平遙縣志石方二尺許自墓中崩出貞元九年癸酉歲
刻字似虞而略具儲意思字恭極簡古古人一字間有

之高祖字季是也思為梁氏遠祖砌之吉祥寺以為護

持梁氏五路廉訪家故佛堂也案志寺在縣治後

鶴鵲樓碑記

貞元九年十一月 陳翊撰見金石錄舊在蒲州府

志略煒按鶴鵲樓在西南城上李翰鶴鵲樓集序云周太宰

宇文護鎮河外之地築為層樓遐標碧空倒影洪流二百

餘載獨立乎中州以其佳氣在下代為勝槩

臺駘廟碑

貞元九年 令狐楚撰舊在汾州府見府志

鹽池靈慶公神祠碑

貞元十三年八月 崔敖撰韋縱書并篆額今在運城鹽

池北

靈慶公神堂碑陰記

貞元十三年七月 劉宇撰并書

潛研堂金石跋尾唐書叛臣傳大厯中淫雨壞河中鹽池
味苦惡韓滉判度支慮減常賦妄言池生瑞鹽王德之美
祥代宗疑不然命蔣鎮馳驛按視鎮內欲結滉故實其事
表置祠房號池曰寶應靈慶云又地理志安邑縣有鹽池
與解爲兩池大厯十二年生乳鹽賜名寶應慶靈池以傳
及此碑證之則志作慶靈者誤也舊唐書德宗紀貞元十
二年九月戶部尙書判度支裴延齡卒碑云十一年秋九
月薨未詳孰是碑爲鹽池官吏所建宜不誤矣

授堂金石跋碑記爲將仕郎太常博士崔敖撰將仕郎前
試大理評事韋縱書新唐書宰相世系表崔氏清河小房

有款與敦數收敏列一格韋氏鼓城公房有縱左金吾衛
兵曹參軍今碑所署卽其人記載元宗御國五十年收鹽
鐵之算置權酤之官云云舊唐書食貨志云自天寶末兵
興以來河北鹽法羈縻而已暨元和中皇甫鏘奏置稅鹽
院同江淮兩池權利人苦犯禁據此碑言代宗時因兵興
已置權酤則鹽法非止爲羈縻已記後載貞元九年戶部
尙書裴公延齡以河中爲會府自十一年秋九月裴公薨
今戶部侍郎蘇公弁繼之唐時兩池置官略備於此延齡
首籠利權以毒天下而其爲之佐者又數人本傳惟言貞
元八年遷戶部侍郎判度支凡設謀釣距肆爲剝蝕皆已
悉書而酤鹽在河中獨不及之又八年爲戶部侍郎至九
年已居尙書史於其轉官更失紀皆疎也碑稱裴公墓在

貞元十一年延齡傳作十二年蓋史誤并本傳裴延齡卒
德宗聞其才特開延英面賜金紫授度支郎中副知度支
事遷戶部侍郎依前判度支與碑所記符記前云中宗復
政崇朝而復鹹大厯陰霖巨漲而不淡蔣鎮傳鹽池爲燎
水所入其味多苦韓滉慮鹽戶減稅詐奏雨不壞池池生
瑞鹽當時固以欺飾爲之而踵事者又勒之頌詞以長其
僞然則敷之文雖瞻腴固無實也

金石萃編按此碑陽爲頌陰爲記頌爲崔敷撰韋縱書並
篆額記爲劉宇撰書頌刻於貞元十三年八月二十日記
刻於貞元十三年七月二日是記先刻矣然記內已言有
崔君之頌恐其頌或有闕乃命山客重記於碑云云重記
又似記爲後出者而乃先刻之何也鹽池靈慶公祠在山

山西通志卷九十二 金石記
西解州安邑縣山西通志云池神廟在鹽池內唐大曆十二年建十三年韓滉奏解池產瑞鹽請置神祠賜號曰寶應靈慶池神曰靈慶公張濯撰記貞元十三年修太常博士崔敖頌貞元十七年四月知解縣池陸位安邑池韋縱立池神祠頌碑崔敖撰文據此則似崔敖撰頌在十三年立碑在十七年敖又別爲撰文然此碑有頌弁序而無他文實是十三年建無十七年字通志語所未詳也韓滉奏瑞鹽卽碑所謂先皇帝薦靈慶以號神索氤氳而建廟粒重英以表稔花四出而呈瑞據碑則建廟在前瑞鹽在後通志語亦不合碑陰有舊宮庫僻在幽阻是用遷置於斯之語則是遷建非重也但未詳舊址所在通志則云廟在鹽池內貞元十三年修而不言遷建亦與碑不合碑陰云

元老韓公湜之總邦賦以大鹹之功康濟是博請加禮秩
於是冊爲靈慶公舊唐書韓湜傳大歷六年改戶部侍郎
判度支此卽總邦賦之時傳不載奏封靈慶公事惟云大
歷十二年秋霖雨害稼諸縣損田三萬一千一百九十五
頃卽碑所謂大歷窮霖巨漲而不淡也碑叙榷鹽之制云
皇家不賦百三十載元宗御國五十年嗣聖投命卻獾狁
於絕漠走昆夷於窮荒調發之費軍實不足遂收鹽鐵之
算置榷酤之官是榷鹽始於代宗時舊唐書食貨志開元
元年十一月河中府尹姜師度以安邑鹽池漸涸師度開
拓疏決水道置爲鹽屯公私大收其利此卽榷鹽之始也
食貨志又言自天寶末兵興以來河北鹽法羈縻而已者
蓋祿山之亂河北蹂躪朝廷之法有所不行故謂之羈縻

非謂直至元和中始置榷酤且卽如其言則天寶以前之不羈縻亦可推見授堂似未詳玩耳碑云臬之爲畦醜之爲門又云兩池官吏及畦戶等請立豐碑河東鹽法有畦地畦戶其名始見此碑山西通志鹽法卷內云畦地始見唐崔敖言又柳宗元溝塍畦畹交錯輪囷宋元符四年開二千四百餘畦百官入賀池之有畦自唐宋已然池如仰盤畦居灘際地勢南卑於北畦旁各開水爲港長與畦等汲引水上畦底如砥邊封爲埂中復留塍以段分之此治畦之法也又唐時就山海井竈之地置監院游民業鹽者爲亭戶免雜徭此卽畦戶也碑自撰書人及碑陰屬官惟蘇弁兩唐書有傳餘俱無傳弁傳云字元容京兆武功人裴延齡卒德宗聞其才授度支郎中副知度支事承延齡

之後以寬代煩唐人甚稱之遷戶部侍郎判度支是在貞元十二年九月後也

謹案元史解鹽池分八場有方集常滿鹽北青鼻分雲紫泉下封資國之名此碑碑陰題銜所列場官其名悉同知分地立場自唐已然元制皆因其舊耳又碑於元至元二十七年重立列銜後有元人題記其文左行

普光明殿功德碑

貞元十六年 今在交城縣

志略碑標目爲華嚴之會普光明殿功德碑支高撰貞元十六年歲在庚申四月己巳朔十日戊寅禮部尙書兼御史大夫太原尹李說建

漢司空河東太守太原王卓碑

貞元十七年十月 今在臨晉縣

金石萃編按碑爲王顏撰口滋篆額韋縱書王顏兩唐書無傳篆額者滋泐其姓乃袁滋也軒轅鑄鼎原碑統州刺史王顏撰華州刺史袁滋書結銜與此同但彼是書碑此則篆額耳亦可見顏撰而滋書者多矣韋縱上結銜五字全泐宰相世系表縱官左金吾衛兵曹參軍鹽池靈慶公碑署銜爲將仕郎前試大理寺評事此所泐者祇五字不知其何官也碑文大意謂太原王氏世皆謂出自周靈王太子晉不知太子年十五已是神仙至十八上賓於帝不應三年之中遂有嗣息今考太原王氏始自周平王孫赤其父泄未立而卒平王崩赤當爲嗣爲口父桓口口廢而

自立案猗氏縣志作爲叔父桓公林廢而自立無缺文用赤爲大夫及莊王時赤

遂奔晉晉用爲并州牧自赤至龜八代代牧并州至文釗

襲封晉陽侯元孫卓歷魏晉爲河東太守封猗氏侯薨葬

河東猗氏隋析猗氏爲桑泉縣今冢墓在縣東南此卽顏

之本支所自出也稽之唐書宰相世系表所載太原王氏

先世及大房二房子孫無一合者可知其同時之太原氏

族皆不同系矣史記周本紀平王崩太子洩父蚤死立其

子林是爲桓王不云洩父又有子赤亦不云林廢赤而自

立且太子名洩父與禪之單名泄者不同案碑稱林爲桓公又於赤爲叔

父是洩父子弟非子也亦與史不同并州牧晉國未嘗有此官名周莊王時

赤奔晉其時曲沃武公方強滅晉侯緡而獻寶器於釐王

赤所奔必是曲沃然考之晉國諸臣未有其人碑所載諸

人史皆無傳可考隋書地理志猗氏縣西魏改曰桑泉後周復焉開皇十六年更置桑泉縣十二年省屬臨晉今臨晉屬蒲州府山西通志陵墓卷載晉司空王卓墓在臨晉縣東南二十里城西村有王顏樹神道碑今司空冢墓在臨晉縣東南解古城西二里碑曰卓翁冢墓古有碑廟文獻通考載邑志而晉紀乘不載司空王卓蓋亦謂王卓無考矣碑稱猗氏房右丞維叔左相縉叔則兩唐書有傳維縉兄弟稱之爲叔當與顏同系然檢宰相世系表以維縉爲河東王氏其源不從卓始其流又不及顏之本支皆所未詳要之顏撰此碑自必無誤其追溯源流亦必有據或所傳各有不同未可據他書以疑碑也碑有云左丞相張公說越認范陽左相縉越認瑯琊越認二字殆是越次而認他族

之義乎則認族之說始於此矣然據唐書張說傳稱其先
自范陽徙河南更爲洛陽宰相世系表張氏自後漢世居
武陽健爲其後有諱宇者官北平范陽太守避地居方城
迨晉張華二子禕子孫徙居襄陽禕子孫自河東徙洛
陽卽說之系也然則說之先世本由范陽徙洛陽與認族
者異碑云越認其義究未詳

碑側復立太原鄉牒

猗氏縣志王似鶴跋石唐虢州刺史王顏追樹十八代
祖晉司空河東太守猗氏侯王公卓神道碑銘也今在
下任鎮西古桑泉地螭首龜趺奠臨大道所載河東王
氏系太守者本支鑿鑿文辭質實而書峭健真法物也
碑側面載王屯墓冢並扞立太原鄉記字多剝落不堪

錄案陽令文見臨晉舊志茲附錄
漢末為冀州刺史卓不遂歸司本
聽石勒亂太原晉縣東在二里
郭公外卓家遂著陳郡望子孫
又按私朝拾遺陳郡望子孫
菲於長壽原至今鄉填都督元
開元初柳沖撰氏因胡亂百姓
公方平更稱太原王填都督元
元年縣司遂廢省前逢併人逆
孝理之名且廢解州城後嗣何
原鄉名且廢解州城後嗣何
若太原縣之廢解州城後嗣何
望各復名縣人宗無所據伏請
城鄉復名縣人宗無所據伏請
分牒下所由原鄉永判下具勸
正程有實伏請原鄉永判下具
解城之意併入縣城者戶破散
承秦之分年併入縣城者戶破
取處分年併入縣城者戶破散
務本敬曰縣人請申去永判下
十知者故高曜歷尉孫四年為
牒五日吏高曜歷尉孫四年為

謹案牒爲王顏追樹祖碑之由讀之猶見兩時公牘
體式唐代最重氏族其譜牒之可見者如宰相世系
表元和姓纂中不合於經傳者多矣在當時必別有
依據誠如王氏所論然後漢書順帝紀明書陽嘉三
年十一月乙巳以光祿勳河東王卓爲司空永和二
年三月乙卯司空王卓薨章懷注曰卓字仲遠河東
解人卓或由本郡太守入爲光祿勳不可知若其爲
漢司空凡四年終於官則顯見者而碑乃題爲晉司
空文又云歷魏晉爲河東太守封猗氏侯碑專爲卓
立而猶無稽若是本宗先諺違言其他又考唐楊炯
撰王湛碑云十一世祖卓晉給事中母常山公主河
東昔有湯沐邑因家焉葬長壽原故鄉有太原之號

如顏所述得非以晉王卓而冒以漢王卓之官歟

閭庭墓志

貞元二十年十一月 行書今在平遙縣

謹案誌標題爲故常山郡閭府君文云閭氏者其先常山人也刺史直公之後據姓纂富與閭朝隱同系而所云刺史直無考其曾祖行祖神父哲亦無所見庭年八十四卒葬平陶城西百步平陶字特書古名然其故城據水經注乃在文水非今平遙也石於咸豐中出土旋復瘞之茲據曹子勤拓本錄入書法殊秀媚有褚虞風致也

御製箴銘碑

有陰

貞元中 德宗御製舊在太原縣

太原縣志馬燧平河中帝賜宸扆台衡二銘勒石起義
堂帝榜其額以寵之今無存

謹案權文公集有爲河東副元帥馬司徒請刻御製
箴銘碑表前稱臣前竊睹御製賜靈鹽節度使杜希
全君臣箴一篇輒請刻石於太原興王之都元宗所
製起義堂頌碑並列伏奉批表及賜臣等手詔俯蒙
允許仍賜臣一本又賜臣御製宸扆台衡銘二首并
序又稱今者琢磨已就刊刻方施至於次序篇章論
載年月未敢卽定謹令圖畫進上仍請於碑首正面
刻作御製箴銘四字其下刻年號月日字建箴銘二
首并序其碑陰面伏請準起義堂頌碑例刻年號月
日字建其下刻臣所上表疏伏蒙批表勅語及所賜

臣手詔庶使後之觀者尋其弁連究其本末云云當
日碑式可以想見方志稱帝榜額以寵則額爲御書
并可知矣太平記起義堂在乾陽門街有開元十一
年御製碑文并書唐時城址近臨晉祠故記謂晉祠
銘亦在乾陽街宋人一炬之後太宗書幸存其餘名
蹟俱爲灰燼矣

工部尙書盧虔碑

貞元中 今在河津縣東北三十五里張吳村

河津縣志唐銀青光祿大夫檢校工部尙書兼祕書監
上柱國榮陽縣公食邑一千戶盧虔墓碑口口口開國
侯鄭餘慶書

謹案縣志不爲虔立傳蓋文久泐也考元王思誠河

津縣總圖記內云盧虔字子野永泰初舉進士高第
仕至銀青光祿大夫工部尚書幼讀書於龍門深知
易著春秋孝經每以經義決獄時議稱焉蓋卽採之
碑文也又元和姓纂龍門盧氏唐左常侍盧虔狀云
偃子闢後又徙晉州子從史唐書宰相世系表偃晉
侍中中書監諒之四子
爲范陽北祖仕慕容氏
營邨太守二子遷闢碑中家世亦略可見鄭餘慶
據唐書本傳再相德宗封滎陽郡開國公此署爲侯
則碑當立貞元十四年前矣

姚棲雲孝行表

貞元中 舊在永濟縣永樂鎮

志略唐貞元時永樂姚棲雲廬墓縣令蘇轍以俸錢買地
開阡刻石表之河中尹渾瑊上其事詔加優賜表其門名

其鄉曰孝弟社曰節義里曰敬愛姚氏自唐訖宋十三世同居

文湖神祠碑

貞元中 令狐楚撰舊在汾州府東十里見府志

白楊神新廟碑

貞元中 令狐楚撰鄭造正書舊在代州見金石錄

代州志斷景樹在城東南二十里斷景村唐令狐楚白楊神廟碑魏孝文帝嘗繫馬其下故立廟舊說漢文自代召立時猶豫不決倦臥樹下日將下春樹爲停其陰誤

謹案碑有云白楊廟在州東南四十里乙亥歲今尙

書隴西公廉刺并部得昌化守南昌郡王河南元韶

首表其名璽書勞勉移理於代又云不三四年請於

上而新廟成則修廟者爲孝文裔孫元韶韶時實爲
代州刺史孝文北魏賢君太原以北所在有祠廟名
白楊蓋以示別而好事者遂造爲斷影之說以神奇
之耳州志謂乙亥爲德宗貞元十一年碑當立於丁
丑戊寅之間隴西公李說也時領太原節度楚在其
幕府掌書記是也

開汾河記

貞元中 董叔經書舊在汾州見墨池編

謹案叔經華州人官御史中丞見貞元五年華州刺
史李元諒碑唐書藝文志博經一卷貞元中董叔經
上卽其人

天甯寺殘碑

今在交城縣西八里萬卦山

金石文字記卦山天窳寺有一碑爲汾州衆香寺沙門克誠撰大半剝落有太尉李公抱眞字

裴府君墓碑

舊在永濟縣

志略在縣南五十里首陽山之陽穆員撰文曰嗚呼有唐君子河東府君之墓

琴高真人靈泉碑

永貞元年 舊在沁源縣

志略在琴泉山志云唐永貞間太守祭於此建碑

右碑碣起唐先大至永貞

山西通志卷九十二